

REPUBLIKA E KOSOVË - REPUBLIKA KOSOVA - REPUBLIC OF KOSOVO
QEVERIA - VLADA - GOVERNMENT
ZYRA E KRYEMINISTRI - RED PREMIERA - OFFICE OF THE PRIME MINISTER
INSTITUTI I KRIMEVE TË KRYERA GJATË LUFTËS NË KOSOVË

Dalëse

Nr. / Br. / No. 01/280

Nr. i faq / Br. str / No. pg 3

Data/Datum/Date 23.04.2026

Pristinë - Pristina - Pristina

Universiteti i Prizrenit
University of Prizren
Univerziteti Prizren
"UKSHIN HOTI"

Pranuar me tit. 23.04.2026

Zyra e pranimit	Nr. i protokolit
309	01-103



MEMORANDUM BASHKËPUNIMI

NDËRMJET

INSTITUTIT TË KRIMEVE TË KRYERA GJATË LUFTËS NË KOSOVË

DHE

UNIVERSITETIT "UKSHIN HOTI", PRIZREN

Neni 1
Qëllimi

Ky Memorandum i Bashkëpunimit ka për qëllim përcaktimin e bashkëpunimit ndërmjet Institutit të Krimeve të Kryera Gjatë Luftës në Kosovë dhe Universitetit "UKSHIN HOTI", Prizren (në tekstin e mëtejshëm: Palët) në fushën e zhvillimit të projekteve hulumtuese, organizimit të konferencave, seminareve dhe aktiviteteve të tjera për ndarjen e burimeve dhe ekspertizës për realizimin e aktiviteteve të përbashkëta me interes të ndërsjellë.

Neni 2

Synimi

Palët angazhohen për bashkëpunim të ndërsjellë, me synim dhe përmes aktiviteteve të përbashkëta do të ndihmojnë në procesin e ballafaqimit me të kaluarën, edukimin dhe angazhimin e studentëve në çështjet që lidhen me krimet e kryera gjatë luftës në Kosovë.

Neni 3

Të drejtat dhe detyrimet e palëve

1. Palët do të bashkëpunojnë në një gamë të gjerë aktiviteteve dhe iniciativash me interes të ndërsjellë, duke ofruar ekspertizë dhe njohuri brenda fushave të tyre përkatëse të kompetencës, përfshirë, por pa u kufizuar në:
 - 1.1. Planifikimi dhe zbatimin e përbashkët të aktiviteteve në zhvillimin e programeve të ndryshme edukative që ndërlidhen me historinë, dokumentimi dhe pasojat e krimeve të luftës në Kosovë;
 - 1.2. Ndarja e burimeve dhe përvojave profesionale, përfshirë ekspertizën e stafit akademik dhe përfshirjen e studentëve, si dhe qasjen në bibliotekat dhe arkivat e Institutit, për qëllime hulumtuese dhe projekte akademike;
 - 1.3. Organizimin e aktiviteteve edukative dhe shkencore, si konferenca, seminare tryeza të rrumbullakëta dhe punëtori, me qëllim rritjen e ndërgjegjësimit mbi krimet e luftës dhe pasojat e tyre;
 - 1.4. Zhvillimin e iniciativave të përbashkëta për bashkëpunim ndërkombëtar, përfshirë kërkimin e partneriteteve me institucione dhe organizata rajonale dhe ndërkombëtare;
 - 1.5. Bashkëpunimi mbi parimet e përfitimit të ndërsjellë, ndihmës reciproke dhe veprimet të koordinuar për arritjen e qëllimeve të përbashkëta.
2. Iniciativat konkrete, modalitetet e zbatimit, burimet financiare dhe aspektet e tjera operative do të përcaktohen veçmas për secilin aktivitet apo projekt individual, përmes marrëveshjeve ose planeve të veçanta të dakorduara nga palët.

Neni 4

Kohëzgjatja

Ky Memorandum i Bashkëpunimit do të zgjasë katër (4) vite nga dita e nënshkrimit nga palët nënshkruese. Memorandumi mund të vazhdohet me pëlqimin e palëve nënshkruese.

Neni 5
Ndërprerja

1. Ky Memorandum i Bashkëpunimit do të ndërpritet:

- 1.1. Me paralajmërim të arsyetuar me shkrim, së paku 30 ditë para datës së ndërprerjes së memorandumit;
- 1.2. Me përfundimin e afatit kohor për të cilin është lidhur Memorandumi.

Neni 6
Ekzemplarët e Memorandumit


Ky Memorandum i Bashkëpunimit nënshkruhet në dy (2) ekzemplarë të njëjtë, nga një (1) ekzemplarë për secilën palë.

Neni 7
Hyrja në fuqi

Ky Memorandum i Bashkëpunimit hyn në fuqi në ditën e nënshkrimit nga të dy palët.

Palët nënshkruese

Prof. Ass. Dr. Atdhe Hetemi



Prof. Asoc. Dr. Mentor Alishani



Prizren, më 23 Prill 2026